

# VEDTEKTER FOR PREG BARNEHAGER SYKKYLVEN AS

## 1. Eigar

Norsk Luthersk Misjonssamband (NLM) eig og driv Preg barnehager Sykkylven gjennom Preg barnehager AS.

Styret for aksjeselskapet er ansvarleg organ for barnehagen og det organet som representerer eigaren. Eigar kan ikkje hente utbytte frå barnehagedrifta.

## 2. Formål

### a) Formålsparagraf etter barnehagelova

Barnehagen skal i samarbeid og forståing med heimen ta vare på dei behova som barna har for omsorg og leik, og fremje læring og danning som grunnlag for allsidig utvikling. Barnehagen skal bygge på grunnleggjande verdiar i kristen og humanistisk arv og tradisjon, slik som respekt for menneskeverdet og naturen, på åndsfridom, nestekjærleik, tilgjeving, likeverd og solidaritet, verdiar som kjem til uttrykk i ulike religionar og livssyn og som er forankra i menneskerettane.

Barna skal få utfalde skaparglede, undring og utforskartrong. Dei skal lære å ta vare på seg sjølve, kvarandre og naturen. Barna skal utvikle grunnleggjande kunnskapar og ferdigheiter. Dei skal ha rett til medverknad tilpassa alder og føresetnader.

Barnehagen skal møte barna med tillit og respekt, og anerkjenne eigenverdien til barndommen. Den skal bidra til trivsel og glede i leik og læring, og vere ein utfordrande og trygg stad for fellesskap og vennskap. Barnehagen skal fremje demokrati og likestilling og motarbeide alle formar for diskriminering.

### b) Eigaren sitt formål for barnehagen

Preg barnehager byggjer verksemda si på eit kristent verdigrunnlag, heimla i Barnehagelova § 1a. Visjonen Saman om å sette verdifulle spor gir retning for arbeidet i barnehagane, og verdiane nestekjærleik, likeverd og meistring blir spesielt vektlagde. Barnehagen sine verdiar skal òg spegle ansvar og omsorg for andre menneske, både lokalt, nasjonalt og globalt.

## 3. Forvaltning av barnehagen

Barnehagen blir driven i samsvar med Bibelen og Den evangelisk-lutherske kyrkja si vedkjenning, lov 17. juni 2005 nr. 64 om barnehager (barnehagelova) og forskriftene til lova, rammeplan for barnehagar, og dei forskriftene og retningslinene som departementet til ei kvar tid fastset. I samsvar med barnehagelova § 1a andre ledd blir barnehagen driven med eit kristent føremål. Kristen tru, etikk og menneskesyn skal vere grunnlaget for alt som barnehagen held på med. Vedtekter og årsplanar skal bygge på same grunnvoll og vere med i grunnlaget for drifta av barnehagen.

## 4. Avtale om drift

Barnehagen er godkjent av Sykkylven kommune 21.11.16. Vi får tilskot av Sykkylven kommune.

## 5. Opptak av barn

Etter § 17 i barnehagelova skal alle godkjente barnehagar i kommunen samarbeide om opptak av barn. Kommunen skal legge til rette for ein samordna opptaksprosess, der det skal takast omsyn til mangfaldet og eigenarten til barnehagen. Ønske og behov til brukarane skal leggjast stor vekt ved sjølve opptaket.

- **Opptaksmakt**

Dagleg leiar er ansvarleg for opptak av barn i barnehagen.

- **Opptakskrets**

Barn frå heile kommunen kan søkje om opptak i barnehagen. Dersom barnehagen har ledige plassar etter at samordna opptak er gjennomført, kan barn frå andre kommunar søkje om opptak.

- **Opptakskriterium**

Ved opptak blir barn prioritert slik:

1. Barn med nedsett funksjonsevne og barn med vedtak etter barnevernlova. Dokumentasjon frå sakkunnig instans må bekrefte at barnet har nedsett funksjonsevne. Vedtak etter barnevernlova må også dokumenterast. Dette skal sendast i eige brev eller e-post og vere kommunen i hende seinast tre yrkedagar etter at søknaden er sendt. Dokumentasjonene må ikkje vere eldre enn tre månadar.
2. Barn frå familier som har store belastningar på grunn av sjukdom eller funksjonshemming hos foresatte/søsken, eller andre omstende som etter ei totalvurdering gir høg prioritet. Dokumentasjon frå sakkunnig instans (t.d legeerklæring) skal sendast i eige brev eller e-post og vere kommunen i hende seinast tre yrkedagar etter at søknaden er sendt. Dokumentasjonen må ikkje vere eldre enn tre månadar.
3. Barn av flyktningar/asyksøkjarar som har budd mindre enn tre år i kommunen.
4. Barn som har søsken i barnehagen og som har rett etter barnehagelova.
5. Barn av personar som er tilsett, eller skal tilsetjast, i barnehagen.
6. Barn som har eitt år igjen til skulestart.
7. Barn med lovfesta rett til plass.
8. Høgste alder ved elles like høve.

I særskilde høve kan andre faktorar enn det som står på prioriteringslista leggjast vekt på. Ved samansetjing av barnegruppa kan det takast omsyn til at det blir ei rimeleg fordeling med tanke på alder, kjønn og funksjonsnivå.

- **Opptakslengde**

Tilbod om barnehageplass gjeld frå opptaksdato, gitt i brev med tilbod om barnehageplass, og fram til skulepliktig alder.

- **Opptakstidspunkt og oppseiing**

Opptak av barn kan gjerast heile året, men hovudsakleg ved samordna opptaksprosess. Dagleg leiar kan, etter skriftleg søknad, tilby barnehageplass utanom hovudopptak.

Oppseiing skal vere skriftleg. Gjensidig oppseiingstid av barnehageplass er to månader, rekna frå 1. dag i månaden etter at oppseiinga er mottatt. Oppseiing frå barnehagen si side krev sakleg grunn. Oppseiingstida gjeld også for barn som det er takka ja til plass for, men der foreldre/føresette ombestemmer seg.

- **Klage**

Ved hovudopptak kan søkjar klage over avslag på søknad om barnehageplass og på avslag om å få sitt første eller andre ønske oppfylt.

Utanom hovudopptak kan berre søkjarar til barnehagen med lovfesta rett til prioritet etter barnehagelova § 18 klage dersom dei ikkje får plass (sjå 'Opptakskriterium', pkt a).

Alle klager må gjerast skriftleg til kommunen. Ein må nemne kva vedtak det blir klaga over og kva grunnar som klagen støttar seg til.  
Reglane for klagetilgang står i Forskrift om saksbehandlingsreglar ved opptak i barnehage, forskrift 2005-12-16 nr. 1477.

## **6. Foreldrebetaling**

§ 19 i barnehagelova pliktar offentlege styresmakter å behandle alle godkjente barnehagar likeverdig i forhold til offentlege tilskot. Så lenge stat og kommune følgjer denne paragrafen i barnehagelova, vil barnehagen følgje staten sine vedtak om storleiken på foreldrebetalinga.

## **7. Misleghald**

Dersom betaling for barnehageplass ikkje er mottatt i løpet av den månaden betalinga gjeld for, vil foreldre/ føresette få ein purreinkasso. Blir heller ikkje denne betalt innan 14 dagar, går saka til inkasso.

Ved gjentatt misleghald har barnehagen rett til å seie opp barnehageplassen. Dersom foreldre/føresette skuldar foreldrebetaling for meir enn ein månad, har barnehagen rett til å seie opp barnehageplassen. Dette gjeld også når barn gong etter gong blir henta etter at avtalt opphaldstid er overskriden.

## **8. Arealutnytting**

Barnehagen har eit samla leike- og opphaldsareal på 258 m<sup>2</sup>. Norma for barnehagen si arealutnytting er på 5,3 m<sup>2</sup> pr barn under 3 år, og 4 m<sup>2</sup> pr barn over 3 år.

## **9. Opningstider/ ferieordning**

Barnehagen blir driven som heildags barnehage og er for barn i alderen 0 - 6 år. Opningstida er no frå kl. 6.45 til kl. 16.30 måndag – fredag. Barnehagen er stengt i følgjande periodar: Påskeveka og romjula. I løpet av året er barnehagen i tillegg stengt fem kurs- og planleggingsdagar. Barn skal ha 4 vekers ferie i løpet av eit barnehageår; 3 av desse skal vere samanhengande. Det vanlege er at barnehagen er stengt i fellesferien. Barnehageåret vert definert som tidsrommet 1.august – 31.juli.

## **10. Foreldreråd**

Etter § 4 i barnehagelova skal barnehagen ha eit foreldreråd som består av alle foreldre/ føresette til barna i barnehagen. Foreldrerådet skal fremje deira fellesinteresser og bidra til at samarbeidet mellom barnehagen og foreldregrupper skaper eit godt barnehagemiljø. Foreldrerådet skal også ta initiativ til dugnader i barnehagen og hjelpe til med å gjennomføre desse. Foreldrerådet vel sjølv leiar og sekretær. Foreldrerådet vel 2 foreldrerepresentantar til SU.

## **11. Samarbeidsutval**

I samsvar med § 4 i barnehagelova skal barnehagen ha eit samarbeidsutval (SU) som skal vere eit rådgivande, kontaktskapande og samordnande organ. Det består av foreldre/ føresette og tilsette i barnehagen, slik at kvar gruppe har to representantar. Dersom barnehagen har meir enn to avdelingar, kan antal representantar frå desse to gruppene aukast. Eigar vel to representantar til SU, men ikkje med fleire representantar enn kvar av dei andre gruppene. Eigar vel sine representantar for to år, dei andre for eit år.

Dagleg leiar i barnehagen er sekretær i samarbeidsutvalet, førebur sakene, set opp sakliste og kallar inn til møte i samråd med leiar i SU.

Regionleiar, eller den regionstyret har valt, har møte- og talerett i SU.

Samarbeidsutvalet skal bli førelagt saker, og har rett til å uttale seg i saker som er viktige for barnehagen sitt innhald, verksemd og forholdet til foreldra. Det skal ha informasjon om budsjett og rekneskap. Saker som gjeld tilsettingar, opptak av barn og liknande skal ikkje behandlast av samarbeidsutvalet.

**12. Dugnad**

Foreldre/ føresette som takkar ja til barnehageplass, pliktar seg til å vere med på inntil 6 timer dugnad pr. barnehageår, arrangert av barnehagen og samarbeidsutvalet.

Dersom ein ikkje deltek på dugnad er timeprisen kr 200 pr/t.

**13. Eigarstyret**

Eigar utnemner eit eigarstyre for barnehagen. Eigarstyret skal vere eigar sitt lokale organ som hjelper dagleg leiar med oppgåver i samsvar med instruks for eigarstyret.

**14. Internkontroll**

Barnehagen har internkontrollsystem etter krava i barnehagelova § 9. Barnehagen brukar PBL Mentor HMS som HMS-system.

**15. Ansvar**

Barnehagen teiknar ulykkesforsikring for barn som har fått plass i barnehagen. Forsikringa dekkjer barnet 24 timer i døgnet gjennom heile året.

**16. Iverksetting**

Vedtektene for Preg barnehager Sykkylven gjeld frå 01.01.24.

*Sist endra og godkjent av styret for Preg barnehager Sykkylven AS 13/10 2025.*